

## **Ilinniartitsisut Meeqqat Atuarfianneersut Kattuffiata**

### **IMAK'ip siniisoqarfiata 2006-imi ataatsimiinnera**

#### **Hotel Storebælt, Nyborg**

### **Ullormut oqaluuserisassat naammassineri**

1. Ataatsimiinnerup ammarneqarnera aqutsisussamillu toqqaaneq
2. Suleriaaseq
3. Siulittaasup nalunaarutaa
4. Naatsorsuutit
5. Tungaviusumik periaaseq aamma Sulissutiginiakkat
6. IMAK'ip malittarisassaasa ilaannut allannguutissatut siunnersuutit
  1. -5. Siulersuisut
  6. Marius Frederiksen
7. Siunnersuutit tiguneqarsimasut
  1. Lis Møller, sungiusarlutik sulisunut inissat
  2. Lis Møller, sumiginakkat pillugit ingerlassat
  3. Lis Møller, atuartut atuakatattut
  4. Lis Møller, atuartut siunnersuisoqatigiivinut mappi
  5. Bent Ole Knudsen, nutaaliaasumik aqutseriaatsit
  6. Marius Frederiksen, ilisimasanik misilittakkanillu saqqummiussivik
  7. Marius Frederiksen, atuartut naalatsikkuminaatsut
  8. Marius Frederiksen, ilinniartitsisutut inuuniuteqarneq
  9. Ruth Mathæussen, nal. akunneri atuarfiusussat ikilissat
  10. Ruth Mathæussen, atuarfiit aserfallappallaarsimasut iluarsarnissaat sanaqqinnissaallu
  11. Marius Frederiksen, oqaloqatissaqartarneq
8. Qaammatisiutit ukiuanni tulliuuttumi aningaasanut pilersaarussiaq ilaasortaanermullu akiliutip angissusilerneqarnissaa
9. DLF-imi kongres'eqarnissamut aallartitassamik toqqaaneq
10. Taaneqarsinnaasut allat

#### **1. Ataatsimiinnerup ammarneqarnera**

Sinniisoqarfiup 2006-imi ataatsimiinnera Sivso Dorship arfininngornermi 24. juni nalunaqquataq 10.00 ammarpaa.

Siulersuisut Trine Juul imaqarniliortussatut toqqarsimavaat.

Siulittaasup siulersuisut sinnerlugit Mikkel Michelsen aqutsisussatut siunnersuutigaa.

Mikkels Michelsen aqutsisussatut qinerneqarpoq.

Mikkel Michelsen qinigaanerminut qujavoq nalunaarutigalugulu sinnisoqarfiup ataatsimiinnissaa IMAK'ip malittarisassai malillugit nalunaarutigineqarsimasoq, taamalu oqaatigalugu inatsisit malillugit piffissaliilluni ataatsimiigiaqquisoqarsimasoq.

## 2. Suleriaasissap akuersissutigineqarnera

Suleriaasissatut siulersuisut siunnersuutaat akerliuffigineqarani akuersissutigineqarpoq. Kingornagut taasinernik kisitsisartussat sisamat toqqarneqarput: Elna Heilmann, Pierre Andre Krogh, Ulla Nielsen aamma Bent Ole Knudsen.

Kingornagut sinnisoqarfiup ilaasortai aqqisigut taasarlugit Lisbeth Frederiksen-imit suaarutigineqarput:

### Sinniisoqarfiup 24. – 26. juni 2006 ataatsimiinnera

#### Sinniisoqarfik:

Sulisunut Sinnisuuneq Lars E Hansen, Alluitsup Paa, Nanortalik

Sulisunut Sinnisuuneq Jokum Møller, Qaqortoq

Sulisunut Sinnisuuneq Pierre André Krogh, Narsaq

Sulisunut Sinnisuuneq Holger Simonsen Paamiut

Sulisunut Sinnisuuneq Bodil Kleist, Nuuk

Sulisut sinniisaat Cecilie Vahl Nuuk

Sulisut sinniisaat Inger B Kleist Nuuk

Sulisunut Sinnisuuneq Harald La Cour Kiiip

Sulisunut sinnisuuneq Elna Heilmann Maniitsoq

Sulisunut sinnisuuneq Ulla Nielsen, Sisimiut

Sulisut sinniisaat Lena Johnsen, Sisimiut

Sulisunut sinnisuuneq Marius Frederiksen, Niaqornaarsuk, Kangaatsiaq

Sulisunut sinnisuuneq Frants Rafaelsen, Aasiaat

Sulisunut sinnisuuneq Ida Magnussen, Qasigiannugit

Sulisunut sinnisuuneq Juliane B Mølgaard Qeqertarsuaq

Sulisunut sinnisuuneq Ruth Mathæussen, Saqqaq, Ilulissat

Sulisut sinniisaat Lis Møller, Ilulissat

Sulisunut sinnisuuneq Torben Mølgaard, Uummannaq

Sulisunut sinnisuuneq Abigael Lennert Upernavik

Sulisut sinniisaat Karen Karlsen Upernavik

Sulisunut sinnisuuneq Bent Ole Knudsen, Qaanaaq

Sulisut sinniisaat Boas Boassen, Kuummiut, Tasiilaq

**Anders Krogh, Ittoqqortoormiit - peqataangilaq**

Aqutsisut sinniisaat Jarl Jensen, Aqutsisut

Aqutsisutsinniisaat Lars Peter Sterling. Aqutsisut

**Siulersuisut:**

Siulittaasoq Sivso Dorph,  
 Siulittaasup tullia Johan Reimer, Aasiaat  
 Siulersuisuni ilaasortaq Mikkel Lybæch, Tasiilaq  
 Siulersuisuni ilaasortaq Paul Raahauge, Nanortalik  
 Siulersuisuni ilaasortaq Esther Rosing, Nuuk

**3. Siulittaasup nalunaarutaa**

Siulittaasup nalunaaruteqarnini aallarnerlugu Anders Bondo Christensen, Danmarks Lærereforeningip siulittaasua, aamma Lotte Lange, Danmarks Lærereforeningip siulersuisuunerini attavigisartagartaarput, suleqatigisartakkallu allat najuuttut tikilluaqquai. Taa-maalioreerami siulittaasup nalunaarunni saqqummiuppaa – ilaliussaq takuuk.

Tulliulluni Anders Bondo Christensen, Danmarks Lærereforeningip siulittaasua oqaa-seqarpoq. Pingaartillugu taavaa peqatigiiffiit marluullutik sulissutigisaat assigiimmata, tassa meeqqat sumiginnakkat, ilinniartitsisut ajornartorsiutaat kiisalu tusagassiuutit ilinniartitsisutut atorfimmik/ ilinniartitsisut massakut atugarisaannik sammisaqartarnerat. Aamma qinikkat tapersersuinnginnerat ilinniartitsisut peqatigiiffiisa ataatsimoorlutik sulissutigisaraat, AB’llu tamatumani peqatigiiffiillu suleqatigiissutigisaanni allani suleqatigiilluarnerup ingerlaqqinnissaa neriuutigaa. Minnerunngitsumik isumaqatigiissutit/killissaliussat nutaat sakkugalugit.

Siulittaasoq Sivso Dorph Anders Bondop oqaasiinut kusanartunut qujavoq.

Tamanna pereermat aqutsisup nalunaarusiaq agguaatsippaa misissorluarneqarnerunias-sammatt.

Aqutsisup taava nassuiaatigaa nalunaarusiap qanoq oqaluuserineqarnissaa takorloorneri-ni, tassunga ilanngullugit siunnersuutit tiguneqarsimasut.  
 Aqutsisup periaaseriniagaa oqaaseqarfigineqanngilaq.

**Siulittaasup nalunaarutaata immikoortiterna  
 Perorsaanermut tunngasut**

Im-mikk.	Pineqartoq	Oqaaseqaatit	Siunnersuut nr	Allagan-gorner a	Oqalulluni saqqum-miussaq
	Ilinniartitsisut takku-tinngitsoortarnerat				2

	Atuarfeqarfik	Atuarfiit nutaat / Ruth Mathæussen	10	4 - 6	6
		Meeqqat atuarfia pillugu isumasioqatigiinneq			3
	Ilinniartitsisutut ilinniarneq aamma Illinniarfissuaq			6-7	4
	Inerisaavik			7-8	4 -5
	Sumiginnaaneq	Ingerlassat sumiginnakkat /Lis Møller	2	8-9	4
		Suliffimmi sungiusarfissat immikkut /Lis Møller	1		3
		Atuartut atuakatattut /Lis Møller	3		4
		Ilisimasani misilittakkanillu agguaassineq / Marius Frederiksen	6		
		Atuartut naalatsikkuminaatsut / Marius Frederiksen	7		4
		Oqaloqatigisartagaqarneq / Marius Frederiksen	11		

**Suliffimmut tunngasut**

<b>Im-mikk.</b>	<b>Pineqartoq</b>	<b>Oqaaseqaatit</b>	<b>Siunner-suut nr</b>	<b>Allagan-gornera</b>	<b>Oqalulluni saqqum-miussaq</b>
	Piffissaq suliffik pillugu isumaqatigiissut			9	
	Suleqatigiinnermut ataatsimiititaliat			10	5 - 6
	Sulinngifeqarluni angalanermut aningaasaateqarfiit			10	
	Suliffimmi avatangiisit			10-12	5 - 6
	Soraarnerussutisianut tunngasut-PFA-LP			12	6
		Ilinniartitsisutut inuuniuteqarneq / Marius Frederiksen	8		
	Akissarsiat pillugit isumaqatigiinniarnerit				5

**Kattuffeqarnermut tunngasut**

<b>Immi- kk.</b>	<b>Pineqartoq</b>	<b>Oqaaseqaatit</b>	<b>Siunner- suut nr</b>	<b>Allagan- ngornera</b>	<b>Oqalulluni saqqummi- ussaq</b>
	peqatigiiffik			13-14	7
	Illuutiniq allanngortiterineq			14-16	
	ilaasortat			16	7
	ilaasortat ataatsimiit- tarneri			16-17	7
	siulersuisut			17	7
	pikkorissartitsinerit	Pikkorissartitsinerit nutaaliaasumik aqutse- riaatsit / Bent Ole Knudsen	5	18	7 - 8
	Tunngaviumik pe- riaaseq aamma sulis- sutiginiakkat			18	
	Aningaasanut tunn- gasut			18	8
	Allattoqarfik			19	8
	Danmarks lærerfore- ning			19-20	8
	NLS-nunani avannar- larni ilinniartitsisut kattuffiisa isuma- sioqatigiiffiat			20	
	icc			20-21	9
	PIP sulisullu kattuffii allat			21	8 - 9
	Kanukoka			21	9
	Kiiip	Nal. akunneri atuarfis- sat ikilifat / Ruth Mat- hæussen	9	21	
		Atuartut siunnersu- isoqatigiivinut mappi/Lis Møller	4		

**Allat**

<b>Immi- kk.</b>	<b>Pineqartog</b>	<b>Oqaaseqaatit</b>	<b>Siunner- suut nr</b>	<b>Allagan- ngornera</b>	<b>Oqalulluni saqqummi- ussaq</b>
	Illinniartitsioq			21	9
	Nittartagaq			22	9
	Tjenestemanditut atorfillit kiisalu DI- f'ip taarsigassarsiner- mut peqatigiiffiat			22	
	Takussutissiat il.il.			23-27	

Siulittaasup nalunaarutaa tamatuma kingorna misissuataarneqarpoq

**Perorsaannermut tunngasut****Ilinniartitsisut takkutinnitsoortarnerat**

Ilinniartitsisut takkutinnitsoortarnerata tamatumunngalu pissutaasut saqqumilaalersinnis-  
saannut atatillugu ilungersortoqartariaqartog sinnisoqarfimmi amerlanerpaat isumaqatigaat.  
Pissutaasog ilisimaneqarpat – soorlu assersuutigalugu pikkorissartitsinernut atasumik - anga-  
joqqaat akulusimasullu allat pitsaanngitsumik qisuariartarnerat taamaaliornikkut arlalitsigut  
pinngitsoortinneqarsinnaasassaaq.

Pierrep periaaseq Narsami atorneqartog atugassatut inassutigaa – tassani angajoqqaat qaam-  
matit tamaasa allaffigineqartarput nalunaarfialugit ilinniartitsisut pilersaarutaasumik takku-  
tinnitsoorfissaasa ullui tamakkununngalu peqqutaasut nalunaarsorneqarlutik, kiisalu taa-  
neqarluni tamanna atuarfiup qanoq taarteqartitsiviginiarneraa.

Aamma Cecilie angajoqqaanik ilisimatitsisarnikkut pitsaasunik misilittagaqarpoq – tassami  
angajoqqaat ilisimatinneqartarusupput – allannguutit akuerisarpaat.

Immikkoortut sinnisoqarfiup iliuuseqarfiginiagassatut isumaqarfigisaasa ilaat tassaavoq  
eqaatsumik pilersarusiorsinnaanerup amigaataanera. Arlallit oqaatigaat tamanna ersigi-  
neqartartog, naak piffissaq suliffik pillugu isumaqatigiissutit nutaap tamannarpiaq periarfis-  
sikkaluaraa.

Immikkoortoq alla tassaavoq aqutsisuusut pitsaanerusumik ilinniartarnissaat. Aqutsisuusut  
ukioq atuarfiusussaq pitsaanerusumik pilersarusiorsinnaassagunikku pitsaanerusunik sakkus-  
sinneqartariaqarput piginnaaffeqarnerullutillu; taamaalippat ilinniartitsisut sulinerminni atu-  
gaat pitsaanerulissapput, aamma takkutinnitsoortarneq annikinnerulissaaq.

Sinnisoqarfiup kissaatai Sivsop isumaqatigai, taavaalu IMAK aallartereersimasog - tamatu-  
mani atuarfinni pisortat pikkorissartinneqarnerat immikkut taaneqarpoq.

**Atuarfeqarfik. Siunnersuut 10**

Ilaasortat nalunaarutigisaat naapertorlugit erseqqilluinnarpoq atuarfiit ajortilluinnarsimanerat  
iluarsartorneqannginnerallu kipiluttunarsilluinnarsimasog. Naak meeqqat nunaqarfimmi illu-

innarni atuartinneqartariaqartaraluartut atuarfiit iluarsartornissaat kinguartiterneqartuartoq as-sersuusiorfigineqarpoq, taaneqarlunilu Kanukokap anguniagai kommunalbestyrelsillu iliuse-risai tamatigut inatsisinik eqqortitsuaannangitsut imminnut aporaattartut.

Siulittaasoq oqarpoq siulersuisut tamanna ilisimaarilluinnaraat, taamaattumillu maannangaq naalackersuinikkut suliniartoqartoq iluarsartuussinissat aningaasanik immikkoortitsiffigineqareersut siuarsarniarlugit – kikkut tamarmik nutaanik atuarfittaartornissaat kissaatiginarnerpaagaluarpoq, tamannali ilimagissallugu piviusorsiortuussanngilaq.

Lars Peter tamatumunnga atatillugu oqarpoq tikkuarlugu Atuarfitsialaap piviusunngortikki-artuaarnera iluatsissinnaangitsoq atuarfiit ilarpassuini sukumiisumik iluarsartuussineqanngippat, tamatumalu oqariartuutiginissaani IMAK sallerasaariaqartoq. Siulersuisut tamanna isumaqatigilluinnarpaat – Sivso nassuiaavoq oqarluni tamannarpiaq eqqumaffigeqqissaarneqartoq, tassami Atuarfitsialaap iluatsilluartumik pilersinneqarnissaanut aamma atortutigut periarfissat apeqqutaalluinnarmata. Taamaattumik siulersuisut allannguutissamik siunnersuuteqarput, Ruthip siunnersuunni tunuartippaa, sinnisoqarfiullu siulersuisut siunnersuutaat akuraat.

### **Meeqqat atuarfiat pillugu isumasioqatigiinnissaq**

Isumasioqatigiissitsinissamik siunnersuut sinnisoqarfimmi assut tapersersorneqarpoq - noqqaassut tamanna akuersaarneqaqaaq, aamma isumasioqatigiissitsinermi sammineqarsinnaasunik arlalissuarnik siunnersuuteqartoqarpoq – ilaatigut alloriarfimmi misilitsitsisarnissaq naliliisarnermilu periaatsit.

### **Ilinniartitsisunngorniartarnek**

Ilinniartitsisutut ilinniartarnek nutaaq siniisoqarfimmit akuersaarneqarluarpoq, tamannali peqatigalugu timelærerit puigorneqannginnissaat siulersuisunut ilisimatitsissutigineqarluni – taakku atuartitsisartut ilagaat pingaarutillit puigugaasariaqanngitsullu. Ilaasortat arlallit atuartitsisartut tigummiinnarsinnaanissaanut periarfissanik nutaanik siunnersuuteqarput. Sivsop uatsinnut qulareqqunngilaa IMAK'ip aamma timelærerit soqutigilluinnarai – taakkununnga iluaqutaasumik suliniutaasinnaasut misissorneqassapput.

### **Inerisaavik**

Peqatigiiffiup Inerisaavimmik suleqateqarneranut atatillugu Sivsop oqaatigaa suleqatigiinneq pitsanngoriarsimasoq, aamma ilinniartitsisut kissaataat arlalitsigut tusaaneqartartut. Sinnisoqarfiup puullaqissutiginerarpei Inerisaavimmit kingusissorujussuakkut kalleriisarneq, aqqiigasuarnarit tamakku toqqaannartumik kingunerisartagaat, aamma Inerisaaviup piffissat killiliussat meeqqat atuarfianni sulineri malittarineqartut eqqortinnissaannut inatsisitigut pisussaatinneqannginnera.

Siulersuisut neriorsuutigaat sinnisoqarfimmit uparuaatigineqartut ingerlateqqikkumallugit.

### **Sumiginnaasarneq - siunnersuutit 2, 1, 3, 6 7 aamma 11**

Sumiginnaasarneq oqaluuserisassat sinniisoqarfimmi soqutigineqarnerpaat ilagaat, tamatumani lu oqariartuutigiumaneqartoq ersseqqarippoq: massakkut iliuuseqartoqartariaqalerpoq, peqatigiiffiup tungaanit, aammali politikikkut.

Esther siulersuisut suliniutigeriigaat pillugit nassuiaavoq – tamatumani taaneqartut ilagaat assigiinngitsunik suliallit ataatsimoortillugit suleqatigiissitani, pisortaqaqarfinnit arlalippassuarnit aamma suliffinnit meeqqanut tunngassuteqartunit ilaasortalinni suliarujussuaq, tamakku qaninnerusoq aamma ungasinnerusoq isigalugu aaqqiissutaasinnaasunik katersuillutik nalunaarsuimmata. Taassumali aamma ajoraluartumik oqaatigisariaqarnerarpaa – suleqatigiissitaliat suliaat taaneqartoq pigaluartoq – naalakkersuisut tungaanit tapersorsorneqarpianningineq aningaasaliiffigineqartannginnerlu.

Sinniisoqarfiup taama oqariartuutaa erseqqarilluinnartoq Sivsop tusaatissatut tiguaa neriorsuillunilu tamanna tunngavigalugu suliaq ingerlateqqissagini – Naalakkersuisut iliuuseqarniarnerat killeqaqisoq ajuusaarutigaa neriorsuutigalugulu tamatuma tungaatigut amerlanerusunik aningaasaliisoqartalernissaa politikikkut ilungersuullugu suliniutigineqassasoq.

Taamaalereermat Lis’ip IMAK’ip naalakkersuisut iliuuseqartinniarsaralugit nukingisaariuar-nissaa naatsorsuutigalugu siunnersuutini tunuartippaa.

### **Sungiusarlutik sulisunut inissat pillugit**

Sinniisoqarfiup ilinniartissat ataatsimut isigalugit ernummatigai, pingaartumillu suliffiit sungiusarfissat pillugit apeqqut pingaartillugu.

Bent Olep oqaluttuaraa inissat tamakku amigaataanerata qanoq inuiaqatigiit iluunngarlugit isorliunerusunilu kinguaariit iluunngaasa sunniiffigisarai.

IMAK’ip tamatumunnga atatillugu ernumassutigisai Sivsop oqaluttuarai – suliffinnik sungiusarfissaaleqineq maanna ajornartorsiutaareeqaaq, aamma politikerit ”tinnersarlugit” aallartitoqareerpoq. Taamaattumik siunnersuut siulersuisut allanngortilaarpaat, allannguutissatullu siunnersuut Lis’ip siunnersuutaanut taarsiunneqarpoq.

Siunnersuut sinniisoqarfimmit akuerineqarpoq.

### **Meeqqat atuakatattut:**

Sinniisoqarfimmi ilaasut tamarmik atuartut atuakatattut ajornartorsiuterujussuurtut isigaa.

Ajornartorsiut tamanna siulersuisut naalakkersuisunut saqqummiukkusukkaluarpaat, isumaqarlutilli atuakatattarneq pitsaaliorniartulugu iliuusissanik namminerlu ilinniarnermut akisusaanissamik pilersitsiartuarnissaq peqatigiiffiup suliasarinngikkai – inuiaqatigiit tamanna suliaassaraat atuarfik angerlarsimaffiillu suleqatigalugit politikerinit akisussaasunit aqqineqartariaqartoq. Lis’ip siunnersuutip taasissutigineqarnissaa kissaatigaa. Sinniisoqarfiup siunnersuut itigartippaa.

### **Ilisimasanik agguaassineq**

Ilisimasanut eqiterivimmik ilinniartitsisut ataatsimoorussassaannik pilersitsinissaq Mariusip kissaatigaa, tamatumani lu ilinniartitsisoq atorneqarsinnaasunut ilaanerarlugu. Siunnersuut siulersuisut isumaqatigaa. Siunnersuut akuerineqarpoq.

### **Atuartut naalatsikkuminaatsut**

Sivsop miserratingilaa tamanna kalaallini inuiaqatigiinni ajornartorsiutaaleriartormat, aamma ilinniartitsisut atuartut taamaattut aqussinnaajumallugit sakkussinneqartariaqartut. Siunnersuut siulersuisut tapersersorpaat Inerisaavimmullu ingerlateqqinniarlugu. Sinnisoqarfiup kissaatigaa pikkorissaasarnissat nuna tamakkerlugu ilinniartitsisunut tamanut naatsorsuunneqassasut. Siunnersuut akuerineqarpoq.

### **Oqaloqatissaqartarnej/siunnersorti**

Sivsop siulersuisullu siunnersuut tapersersorpaat – taamaattumik suleqatigiinnermut ataatsimiititaliaq kajumissaarneqarpoq tamatuma tungaatigut najoqqutassioqqullugu, soorlu ajornartorsiulernissamut upalungaarsimanissamut najoqqutassiatut pissusilinnik. Tamatuma sania-tigut siulersuisut DLF suleqatigilereersimavaat Kalaallit Nunaanni tamatumunnga piginnaanngorsaasinnaaneq siunertarlugu. Siunnersuut akuerineqarpoq.

*Perorsaanerup tungaatigut pissutsinut tunngatillugu siunnersuut akuerineqarpoq.*

## **Suliffimmut tunngasut – siunnersuut 8**

### **Suliffimmi avatangiisit:**

Sinnisoqarfik isumaqarpoq soqutiginnittut tamarmik suliffimmi avatangiisit pillugit oqalliseqataatittariaqartut – aamma angajoqqaat politikerillu.

Immikkoortoq tamanna Sivsop isumasioqatigiinnissamut atorusuppaa – tamanna tassani oqallisissaqquilluinnarpoq.

### **Soraarnerussutisiat:**

Sivsop nassuiaatigaa pingaartumik tjenestemanditut soraarnerussutisianut tunngatillugit apeqqutit peqatigiiffimmit ilisimaneqalersartut, kiisalu inunnit qangaanilli aaqquissuusinernut atasunit apeqqutit. Nittartakkami akissutisiassaqqarpoq, nalornigaannilu peqatigiiffik attavigineqarsinnaavoq.

### **Ilinniartitsisutut inuuniuteqarnermi ileqqorissaarneq:**

Sivso oqaluttuarpoq tamatuma tungaa sammineqanngippallaartoq, sammineqarnerunissaalu pingaartuusoq, taamaattumillu siunnersuut siulersuisut taperserpaat. Aamma ilinniartitsisutut inuuniuteqarnej innersuussutigineqarpoq – taanna nittartakkamiippoq.

Taassuma pitsaanagerusumik kalaallisoorneqarnissaa kissaatigineqarpoq – massakut kalaallisuua eqarpaluppallaarpoq/oqimaappallaarpoq/paasissaanngippallaarpoq.

Bodilip eqimattakkuutaarluni immikkoortitaalersinnaaneq ersissutigilaarnerarpaa - ilinniartitsisut pitsaassutsimikkut a, b aamma c, taamaattumik apeqqut oqaluuserineqalerpat tamanna eqqaamaneqaqqullugu kissaatigineqarpoq.

Sivo neriorsuivoq oqallinneq anguniarumasarluni atuisunut paasiuminarnerulersarneqassasut – assigiinngitsuni ineriartorneq aallartitinneqassaaq kikkut tamarmik anguniarumasamut attuumassuteqalersinnaaqqullugit/tamatunngaa pisussaaffeqartutut misigisimaleqqullugit.

Siunnersuut akuerineqarpoq.

### **Akissarsiat pillugit isumaqatigiinniarnert**

Akissarsiat pillugit isumaqatigiinniarnert tunngasumik Sivso nassuiaateqarpoq.

***Immikkoortoq suliffimmut tunngasunik imalik akuersissutigineqarpoq.*****Kattuffeqarnermut tunngasut****Pikkorissartitsinerit - siunnersuut 5**

Sinniisoqarfimmi tamanit nuannaarutigineqarpoq aqutsineq aqutseriaaserlu peqatigiiffiup massakkut soqutiginerulersimammagit. Siulersuisut pisussaatinneqarput taama pissuseqarneq ingerlatiinnaqqullugu, aamma inuit aqutsisussatut ilinniarsimasut aqutsisutut atorfinnik tigusisarnissaat sulissutigeqqullugu. Ilanngullugu erseqqissarneqarpoq aqutsisut suliamikkut piginnaaneqartuunissaat Kanukokap suli annerusumik akisussaaffigigaa – Kanukoka sulisitsisuvuq.

Sivsop siulersuisullu siunnersuut akuerineqaqqullugu inassutigaat – pingaartumik pissutigineqarlugu sulisunik ineriartortitsinerup aamma perorsaanikkut sulisunillu aqutsisut amigaataanerat.

**ICC kattufiillu allat:**

Ilisimatitsissutitut nalunaarutigineqarpoq IMAK'imit sinniisuutitat qassiunissaat ICC'p malit-tarisassaani aalajangersarneqartoq – taamaattumik peqatigiiffik tassuuna sunniuteqarsinnaangilaq.

**KIIP – nal. akunneri atuarfiusussat ikiliset – siunnersuutit 9 aamma 4**

Nunaqarfimmi arlalippassuarni nal. akunneri atuarfiusussat ikiliset atugaapput perorsaanikkut sunniutaanik pisariaqartutut naliliisoqarani.

IMAK arlalinnik tusagaqartarsimavoq Kanukokap tungaanit kukkusumik ilitsersuussisoqarsimasoralugu isumaqartunik. Ajornartorsiortoqalersarpoq nal. akunneri atuarfiusussat ikiliset peqqussummi tassungalu oqaaseqaatini naatsorsuutigineqartutut atorneqannginnerata kinguneranik. Taamaaliornerni tamani pisariaqartutut perorsaanikkut sunniutinik naliliisoqartartussaavoq, taamaaliornissarlu atuarfiit ingerlatassaraat.

Siulersuisut siunnersuut tunuartinneqassappat naalakkersuisut saaffiginiarpaat taama kukkusumik ingerlasoqartarneranik kommunit ilisimatinneqarnissaannik qinnuigalugit.

Taamaalimmat siunnersuut tunuartinneqarpoq.

**Atuartut siunnersuisoqatigiivisa mappiat**

Sivsop Lis qinnuigaa siunnersuut tunuardeqqullugu, tassa siulersuisut neriorsuuteqarniarmata atuartut siunnersoqatigiivisa mappiat taarsiullugu nittartakkamut ivertinneqassasoq kikkunilluunniit atorneqarsinnaanngorlugu. Taamaattumik siunnersuut tunuartinneqarpoq.

***Immikkoortut kattuffeqarnermut tunngasut taamaalillutik akuerineqarput.*****Allat**

***Immikkoortut allanut tunngasut taamaalillutik akuerineqarput.***

***Siulittaasup nalunaarutaa akerliuffigineqarani tamanit akuerineqarpoq.***

#### **4. Tunngaviusumik periaaseq sulissutiginiakkallu**

Immikkoortut sinniisoqarfiup tunngaviusumik periaatsitut sulissutiginiakkatullu siorna akuersissutigisai Poulip ilisimatitsissutigai.

Immikkoortut ilarpasui maanna naammassineqareerput taamaattumillu sulissutiginiakkanit peerneqarsimallutik – matumani taaneqarsinnaapput ”meeqqat aliasuuteqartut” kiisalu ataatsimoorluni inuunermut sillimmasiisarneq pillugu naqitaaqquiaq.

#### **Siulersuisut nutaamik sulissutiginiagassatut siunnersuutaat**

##### **1. Meeqqat atuarfiata ineriartornera**

IMAK’ip meeqqat atuarfiata ineriartornera pillugu kissaatigaa atuarfeqarnermi nutarterinerup Atuarfitsialaap naammaginartumik ineriartunnginneranut suut pissutaanersut sammineqarnerussasut.

Aamma meeqqat atuarfiata immineq sammineqarnerunissaa kissaatigineqarpoq, tamannalu ilaatigut pissaaq atuarfik pillugu isumasioqatigiissitsinikkut, tamatumani atuarfimmuut tunngatillugu sammisassat pingaernerit ukkallugit, aamma soqutiginnittuusut tamaasa peqataatillugit.

Tamanna peqatigalu sumiiffinni ataasiakkaani atuarfiup ineriartortinneqarnissaa sulissutiginiarneqarpoq.

Siunnersuut akuerineqarpoq.

##### **2. Akissarsianut atorfinitsitaanermullu tunngasut**

Akissarsiat pisissutaasinnaaneria pitsanngoriartornissaat IMAK’ip sulissutiginiarpaa, tamannalu pissaaq piumasarisat sinniisoqarfiup 2005-imi akuersissutigisai aallaavigalugit.

Siunnersuut akuerineqarpoq.

##### **3. Piffissaq suliffik**

Nutarterutissarujussuarnik pisussaqaqqanngilaq, isumaqatigiissulli angusarineqartoq kingulleq iluarsiallaateqartussaavoq.

Siunnersuut akuerineqarpoq.

##### **4. Suliffimmi avatangiisit**

IMAK’ip ilaasortat sapinngisamik pitsaanerpaamik sulisinnaajumallutik suliffimmini pitsaanerpaanik avatangiiseqartinneqarnissaat sulissutiginiarpaa.

Tassunga atasumik pingaartinneqartussaapput atorfiup imarisaanik nassuiaatit suliassiissutillu, kiisalu politikkerisanik allanik pilersitsinissaq, assersuutigalugu pujortartarneq pillugu politikki, imigassaq pillugu politikki il.il. Tamakku atuarfinni tamani immikkut suliarineqassapput, tamatumunnga akuusut tamarmik piginneqataasutut misigisimasinnaaqqullugit, sulisullu suniuteqaqataasinnaanerat anneruleqqulugu.

Sinniisoqarfimmi arlallit tamatumuunakkut ikiorneqarnissartik kissaatigaa, Poulilu neriorsivoq siunnersuutinik imalimmik kakkersagaliortoqassasoq, ilanngullugulu nittartagaq inner-

suussutigalugu, tassani najoqqutassanut assersuutissanik peqareermat, ilaatigut Nuummi atuarfinniit.

Apv – suliffinnik naliliineq, arbejdspladsvurdering – tassaavoq suliniuteqarfigineqalereersut ilaat, atuarfinni ataasiakkaani sakkussatut eqqarsaataasoq, tassuuna suliffimmi pissutsit pitsanngorsarneqarsinnaassammata.

Apeqqutinik ilinniartitsisut tamarmik akillugit immersugassaannik suliaqartoqareerpoq, tamannalu pitsanngorsaatissanut tunngavissaliissaaq.

IMAK’ip sulisitsisut suliami tamatumani peqataalluarnissaat anguniarlugu tatiniarpai, pissutsit pitsanngoriarnissaat aamma taakku soqutigisarissammassuk, tassalu taamaaliortoqarnissaa sulisitsisup akisussaaffigalugulu pisussaaffigaa.

Siunnersuut akuerineqarpoq.

### **5. Sulisunut sammisumik politikki**

Suliniuteqarfiusussanik nutaanik ilanngussisoqanngilaq – pioreersut sulissutiginerat ingerlateqqinneqassaaq.

Immikkoortoq akuerineqarpoq.

### **6. Ilinniartitaanikkut politikki**

Ilassuteqartoqanngilaq.

Siunnersuut akuerineqarpoq.

## **6. IMAK’ip malittarisassaasa allannguutissaattut siunnersuutit**

### **Siunnersuut 6 aamma siunnersuut 5**

Mariusip siunnersuut 6 tunuartippaa siulersuisullu siunnersuutaannut 5-imut akuersilluni.

Nunaqarfinni atuarfinit ataatsimik sinniisoqalernissaanik kissaat siulersuisut akuersaarpaat, taakku najugaanni immikkut ittuusuni ajornartorsiutit peqatigiiffimmi aamma saqqummiunneqartarniassammata.

Siunnersuut 5 akuerineqarpoq.

### **Siunnersuut 1**

Suliffimmi avatangiisit pillugit malittarisassanut ilanngussinermut pissutigineqarpoq suliffimmi avatangiisit ilaasortanut ataasiakkaanut pingaarutilerujussuunerat, taamaattumillu siunertami takuneqarsinnaasariaqarnera. Tamanna peqatigalugu atuartitsisartut tamarmik akornanni suleqatigiinneq sakkortusarumaneqarpoq, aamma friskoleni ilinniartitsisut il.il. peqataasinnaatillugit, atuartitsisartut tamarmik soqutigisaat pitsaanerpaamik isumagineqarsinnaaqqullugit.

Siunnersuut 1 akuerineqarpoq.

### **Siunnersuut 2**

Siunnersuut 2 akuerineqarpoq.

**Siunnersuut 3**

Kikkulluunniit atuartitsinermik suliallit ilaasortannorsinnaassapput. Siunnersuut 3 akuerineqarpoq.

**Siunnersuut 4**

Ilaanneeriarluni pissutsit imaalersinnaasarput sulisut sinniisuannik tatiginnikkunnaarneq ima sakkortutilerluni ilaasortat tamanna qanoq iliuuseqarfigninnaasariaqartarlugu. Siunnersuut tamatuminnga periarfissiisaaq.

Siunnersuummi taamaallaat IMAK'imi ilaasortat pineqarput. Sinnisoqarfimmi ilaasortat arlallit taasinerit 1/3-ii ernumanartippaat – sumiiffiit ilaanni pissaanermik tiguisoqartarsinnaanera annilaanngatigineqarpoq. Ilaasortat affaannik amerlassusiliinissaq siunnersuutigineqarpoq. Siunnersuut 4 akuerineqarpoq.

**4. Naatsorsuutit**

Immikkoortumi ilaapput :

IMAK'ip Ukiumut naatsorsutai 2005  
Immikkut Aningaasaateqarfik – ukiumut naatsorsuutit 2005  
Sulinngiffeqarnermi angalanermut aningaasaateqarfik – ukiumut naatsorsuutit 2005  
Timelærerit sulinnigiffeqarnermi angalanermut aningaasaateqarfiat – ukiumut naatsorsuutit 2005

**IMAK'ip Ukiumut naatsorsutai 2005**

Lisbeth Frederiksenip allaffeqarfimmeersup aallarniilluni erseqqissarpaa tamatumuuna kukkusersiuisuniit atsiukkami oqaaseqaateqartoqanngimmat.

Ukiumut angusarineqartuni kingumut sinneqartoorteqaqqippoq, tamatumuuna 275.000 kroninik. Pikkorissartitsisarnernut aningaasartuutit ikileriarujussuarsimapput – siornaak aningaartuuterparujussuarnut piffissaq suliffik pillugu isumaqatigiissut nutaaq pissutaa-voq.

Inatsisilerituunik ikiorteqarnermut aningaasartuutit suliart ingerlasut kingunerannik amerleriarsimapput.

Lars Engberg, kukkusersiuisut apeqqarissut ittuat, tupigusunnerarsimavoq naasunik naasulivimmuunik pisinermut takussutissaarussimammat – IMAK suliffimmi avatangii-sinik eqqarsaataarukkami?

IMAK'ip ukiumut naatsorsuutai akerliusoqarani sinniisoqarfimmit akuerineqarput. IMAK'ip naatsorsuutai akuerineqartutut aqutsisuusup nalunaarutigai.

**IMAK'ip immikkut aningaasaateqarfia – ukiumut naatsorsuutit 2005**

Naatsorsuutit akerliusoqarani sinniisoqarfimmit akuerineqarput.

IMAK'ip immikkut aningaasaateqarfiata naatsorsuutai akuerineqartutut aqutsisuusup nalunaarutigai.

### **Sulinnigiffeqarnermi angalanermut aningaasaateqarfik – ukiumut naatsorsuutit 2005**

Lisbeth Frederiksen aningaasaateqarfik pillugu ilisimatitsivoq taallugulu ukioq manna tamarmik tapiissutisisimasut, tapiissutillu amerlassuseqartut tapiiffigineqartut namminneq akiliuteqartariaarullugit.

Ilisimatitsineq tusaatissatut tiguneqarpoq.

### **Timelærerit sulinnigiffeqarnermi angalanermut aningaasaateqarfiat – ukiumut naatsorsuutit 2005**

Angusarineqartut amerlasoorsuunngillat, kisianni ilaqutariit 12-it ukioq manna aallarput.

Ilisimatitsineq tusaatissatut tiguneqarpoq.

## **8. Aningaasanut pilersaarutit aamma qaammatisiutit ukiuannut tullermut ilaasortaanermut akiliutissap aalajangersarnera**

### **2007-imut aningaasanut pilersaarussiaq**

Siulittaasup Sivso Dorship 2007-imut aningaasanut pilersaarussiaq saqqummiunneqartoq nassuiarpaa.

Immikkoortuni tamani ilaasortaanermut akiliutit 2007-imi allanngunnginnissaat siulersuisut siunnersuutigaa.

Siunnersuut akuerineqarpoq.

Ilisimatitsineq tusaatissatut tiguneqarpoq.

## **9. DLF-imut ataatsimiigiartitassamik qinersing**

IMAK sinnerlugu ataatsiminnissamut aallartitassamik ataatsimik qinersisoqartussaavoq. Poul Raahauge qinigaaqqippoq.

## **10. Taaneqarsinnaasut allat**

Lotte Lange, IMAK'ip siulersuisuunerni attavigisartagartaava peqataasinnaasimagami qujavoq, uatsinnillu suleqateqarnissaminut qilanaarpoq.

Bodilip peqataasut qinnuigai qinigaaaffinnut tullianik inuttalernerqartussanut kiinnanik nutaanik isumaliuteqaqqullugit.

Mariusip Lisbeth Jensinelu allaffeqarfimmi suliarujussuannut qutsavigai. tikilluaqqusaalluni misinnartuartaarpoq, assullu ikiorluarneqartarpugut – taakku tamaasa nersualarpai.

Johannip nersualaarut qalleqqissarpaa ilaasortallu tamaasa kajumissaarlugit ikiortariaqaleraangamik allaffeqarfimmut saaffiginnittuartaqqullugit.

Jokum IMAK'imut kajumissaarivoq ilinniartitsisut sinerissami nuttartuartaat atorfirmilu sivirusumik uninngasinnaangitsut atorfinitsitaanermut isumaqatigiissutaat misissulaaqqullugit. Tamakku ajornartorsiuterpassuarnik pilersitsisarput akisoqalutillu.

Tamatuma saniatigut ataatsimiilluarnermut qujavoq.

Lis aningaasartuutitut uppersaammum tunngasumik apeqquteqarpoq. Tamanna Jensignemut innersuussutigineqarpoq.

Ruthip siulersuisut tamaasa qutsavigai Ceciliellu taperserpa.

Qujanaq oqalutsinut.

Tamatuma kingorna oqaaseqartussaarmat aqutsisup nalunaarutigaa ullormut oqaluiserisassat naammassineqartut, sinniisoqarfiullu ataatsimiinnera eqqissisimasumik torer-sumillu ingerlasimammat qujalluni.

Siulittaasoq Sivso Dorph sinniisoqarfiup ataatsimiinneranut aalaniataarfiusumut isumanillu saqqummiiviulluarmut qujavoq. Suliap ingerlaqqinnerani timelærerit puigorneqannginnissaat neriorsuutigaa.

Sivsop aamma Lotte Lange qutsavigaa neriuutigalugu DLF'imik suleqateqarluarneq ingerlaqqissasoq.

Aamma sinniisut tamaasa kajumissarpai peqatigiiffimmi qinersinissanut assigiinngitsunut qinigassanngortinnissamut piffissaliussat arajutsinaveersaaqqullugit.

Boas immikkut qutsavigineqarpoq – taanna naggataamik peqataavoq soraarninngortussaagami. Sivsop suleqatigiilluarneq pillugu qutsavigaa siunissamilu iluatsilluarnissaanik kissaallugu.

Aamma Jarl naggataamik ilaavoq. Sivsop suliaamik qutsavigaa siunissamilu iluatsilluarnissaanik kissaallugu.

Aamma oqalutsit imaqarniliortorlu ataatsimiinnermi suliaannut qutsavigineqarput.

Aqutsisoq sinniisoqarfiup ataatsimiinnerani patajaalluni aqutsilluartarnera pillugu naapertuuttumik nersualarneqarpoq.

Naggataatigut siulittaasup Sivso Dorph sinniisut angerlamut ingerlalluarnissaanik kissaapai qinnuigalugillu angerlamut apuukkunik ilaasortat tamaasa inuulluaqquteqqullugit.

Sinniisoqarfiup 2006-imi ataatsimiinnera sapaammi 25. juni nal.12.15 naammassivoq.

Sivso Dorph  
IMAK'im siulittaasoq

Mikkel Michelsen  
Aqutsisoq